

BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
DOM NARODA  
Radna komisija o pitanjima  
finansija i budžeta  
Broj: 02/4 -2/99  
Sarajevo, 18.05. 1999. god.

## Z A P I S N I K

### **2. sjednice Radne komisije o pitanjima finansija i budžeta Doma naroda Parlamentarne skupštine Bosne i Hercegovine, održane 18. maja 1999.godine**

Sjednica je počela sa radom u 11,00 sati.

Sjednici su prisustvovali: Vladimir Šoljić, Ismet Šarčević, Momir Malić i  
Dževad Mlaćo

Odsustvo nisu opravdali Đoko Pajić i Vinko Zorić, članovi Komisije.

Sjednicom je predsjedavao Vladimir Šoljić, predsjedavajući Komisije.

Za sjednicu je predložen i usvojen sljedeći

## D N E V N I R E D

1. Izveštaj o izvršenju Budžeta institucija BiH i međunarodnih obaveza  
Bosne i Hercegovine u 1998. godini

2. Budžet institucija Bosne i Hercegovine i međunarodnih obaveza Bosne i  
Hercegovine za 1999. godinu.

3. Prijedlog zakona o izvršenju Budžeta institucija Bosne i Hercegovine i  
međunarodnih obaveza Bosne i Hercegovine za 1999. godinu.

### **Ad-1.**

**Izveštaj o izvršenju Budžeta institucija Bosne i Hercegovine i  
međunarodnih obaveza Bosne i Hercegovine u 1998. godini**

Komisije su razmotrile Izveštaj o izvršenju Budžeta institucija Bosne i  
Hercegovine i međunarodnih obaveza Bosne i Hercegovine u 1998. godini na  
koji nije bilo primjedbi i predlažu Domu naroda da isti usvoji.

### **Ad-2**

**Budžet institucija Bosne i Hercegovine i međunarodnih obaveza Bosne  
i Hercegovine za 1999. godinu.**

Pokrenuto je pitanje korisnika kredita i njihovog vraćanja, te bi ubuduće Vijeće ministara trebalo sačiniti pregled kredita i njihovih korisnika, kao i način vraćanje s osvrtom da li kredite vraćaju korisnici ili Entiteti.

Komisije predlažu Domu naroda da usvoji Budžet institucija BiH i međunarodnih obaveza BiH za 1999. godinu u tekstu u kojem je usvojen na sjednici Predstavničkog doma.

Komisija predlaže da Dom naroda donese sljedeći:

## **ZAKLJUČAK**

Zadužuje se Vijeće ministara Bosne i Hercegovine da u toku ove godine pripremi i predloži Zakon o Budžetu Bosne i Hercegovine, kojim će se regulisati način pripreme, donošenja, izvršenja i kontrole Budžeta Bosne i Hercegovine.

Realizacijom ovog zaključka osigurat će se veća transparentnost Proračuna u svim fazama od njegove pripreme, donošenja, izvršenja i njegove kontrole. S tim u vezi obaviješteni smo od Vijeća ministara BiH da je u pripremi Zakon o reviziji i Zakon o trezoru čijim će se donošenjem zaokružiti zakonska regulativa u ovoj oblasti.

2. S obzirom da se sa zakašnjenjem uplaćuju sredstva iz entiteta u Budžet Bosne i Hercegovine, što se negativno odražava na redovno funkcioniranje i izvršavanje nadležnosti institucija BiH, potrebno je da se Dom naroda obrati vladama entiteta sa Preporukom da u okviru mogućnosti vode optimalno računa o redovnim uplatama predviđenih sredstava u Budžet Bosne i Hercegovine u ovoj godini.

### **Ad-3**

#### **Zakon o izvršenju Budžeta institucija Bosne i Hercegovine i međunarodnih obaveza Bosne i Hercegovine za 1999. godinu**

Komisije predlažu Domu naroda da Zakon o izvršenju Budžeta institucija Bosne i Hercegovine i međunarodnih obaveza Bosne i Hercegovine za 1999. godinu usvoji u istom tekstu kako ga je usvojio Predstavnički dom.

Sjednica je završila u 12,00 sati

Za izvjestioca na sjednici Doma naroda određuje se Vladimir Šoljić, predsjedavajući Komisije.

PREDSJEDAVAJUĆI KOMISIJE  
Vladimir Šoljić, s.r.